

F. K. 69

Z f  
1500

15  
**LÆTITIAM ANIMI**  
**VIRO**  
NOBILISSIMO, AMPLISSIMO, EXCELLEN-  
TISSIMO, CONSULTISSIMOQVE,  
DOMINO

**DN. JOHANNI FRIDERICO**  
**TROPANNEGERO,**

**J. U. D. CELEBERRIMO, LIPSIENSIVM SE-**  
NATORI SPECTATISSIMO &c. &c.

CELEBERRIMI PATRIS GENUINO FILIO,

CUM

**D. XXVII, SEPTEMBR. AN. MDCCVIII.**

CUM

VIRGINE NOBILISSIMA, LECTISSIMA, VIRTUTUMQVE,  
QVÆ IN FOEMINAS CADUNT, DECORE INSIGNI,

**ANNA JULIANA,**

VIRI

NOBILISSIMI, AMPLISSIMI, EXCELLENTISSIMI, CON-  
SULTISSIMI DOMINI,

**DN. QVIRINI HARTMANNI**  
**SCHACHERI,**

**J. U. D. CELEBERRIMI, PROCONSULIS ET**  
PRÆTORIS, UT ET SCABINATUS LIPS. ASSESSORIS GRA-  
VISSIMI, PRUDENTISSIMIQVE,

**FILIA**

CONNUBIO FAUSTO SE CONJUNGERET,

IN SOLENNIBUS NUPTIIS,

LITERIS PRÆSENTIBUS,

GRATULABUNDUS TESTABATUR

**TROPANNEGERORUM FAMILIÆ**

PERPETUO DEVINCTUS

M. GEORG ANDREAS Vinhold R.

— — — — —  
**CYGNÆ,**

LITERIS FRIDERICIANIS.



## VIR EXCELLENTISSIME,

**N**amdudum id in votis habui, ex quo TIBI me liberalior fors conjunxit, ut fortunam TUAM aliquando virentem florentemque viderem. Ea que vota non simplex causa expressit; sed quam plurima fuerunt rationes, qua me ad talem pietatem, ad tantam animi propensionem compulerunt. Si enim præteritorum temporum memoriam revolvo: præcipue autem Dresdam, faustam illam studiis meis officinam, mecum contemlor; illico se mihi ingens offert beneficiorum perceptorum cumulus. Nunquam eame cepit, nunquam capiet oblivio: ut TROPANNEGERANÆ DOMUS, & in ea quondam benignitatis, gratia, civilitatisque mihi præstita, memoriam animo meo patiar excidere. Hærent illi anni, hærebuntque, dum vena mihi calent, perpetuo, in quibus, more filii, omnibus optimis rebus, omnibus commodis, & statione longe gratissima commorandi, nullo merito meo, latari poteram. Quibus cogitandis quoties ego immoror: (immoror autem quam sæpissime) toties mihi videor in locum deliciarum & Corycium quoddam antrum subito rapi. Adeo prioris ætatis delectatio sensus ipsos meos stimulat, animumque in considerationem, venerationemque pristinae felicitatis, magnete omni potentius, trahit. TUAM vero, VIR EXCELLENTISSIME, dum recogito adolescentiam: confestim in contemplationem maxima spei, quam sibi parentes ulli de filiis suis olim concipiunt, simul traducor. Quæ quidem Celeberrimi Dn. Patris TUI, venerandæque Matris usque eo implebat animos: ut id jam tum augurari sibi viderentur: quod nunc gaudio incredibile accipiunt: alii etiam justa de causa admirantur. Etenim simul ac TE in disciplinam tradideras: paulatim cum bonis literis bonam mentem induere, & pari alacritate literarum virtutumque incrementum, atque diligentia conjungere didicisti. Inde novi anni novam quasi formam, novum vultum dederunt vitæ TUÆ. Neque deerant, qui facta Tua, & præclaram indolem, calidosque ad sapientiam impetus, indies laudare, probitatem extollere, morum elegantiam prædicare  
aliis

aliis non dubitarent. Nescit generosa virtus diu latitare, aut,  
noctua instar, devolare ad umbras noctis: Quin potius, aquila  
pennis tanquam elevata, in lucem prodire amat. Quid dicam  
de consecutis laudibus TUIS? Loquantur ipsa subsellia, in  
quibus auditor docilis sedisti, attentionem, industriam, profectus  
TUOS singulares. Ipsa illa Musea, quæ TE præsentem in-  
tra parietes suos receperunt atque forerunt, assiduitatem TU-  
AM, vigilias & contentiones acres pro studiis artium &  
scientiarum aliis enarrent, posterisque transmittant. Illa quo-  
que amplissima Musarum justitiæque sedes pro TE perorent, è  
quibus aliquoties felici Minerva disputasti, neque minus pro  
indaganda veritate, quam defendenda juris integritate ac san-  
ctimonia dextro Hercule sic depugnasti: ut palmam facile de-  
portares. Sed quid obvia curvis, & jam pridem divulgata  
hic repeto? Ex quo enim clementissimum Magni Regis de  
TUIS studiis iudicium terris innotuit Saxonis: jam inde  
ferme nemo fuit repertus, quin TUAM felicitatem multis  
verbis collaudaret, TUAM dexteritatem in explicandis legi-  
bus, tuendisque justitiæ decretis, albo calculo signandam putã-  
ret. Ad illud potius se convertat stilius, à quo plurima salutis  
humana pars pendere solet. Unicum videlicet, idque vel præ-  
cipuum ad TUAM desiderabatur pulchritudinem, uxor vir-  
tutum nitore conspicua, in qua honestissimi animi erga mari-  
tum, curarumque familiarium quadam imago reluceret: amœ-  
nitatum autem domesticarum velut umbraculum defesso marito  
pateret. Multi hanc in arenam magno animo, sed cum clade  
sua, ut eventus docuit, descenderunt. Multi in solo istoc lu-  
brico pedem figere laborantes, se supplantatos præter spem, da-  
mno irreparabili suarum rerum, experti sunt. Multi Ocea-  
num hunc ingressi, cum littus e regione, stationibus non ini-  
micum, captarent, portumque intrare manibus pedibusque ni-  
terentur, pro statione tuta tempestatem, pro portu commodo sco-  
pulos ac syrtes invenere. TIBI autem etiam in hoc certamine &  
periculoso itinere non nocuit vis aliqua inclementior fati, aut vio-  
lentiæ. Quin ipse Deus, rector rerum mortalium, TUA fa-  
ta complexus sempiterna gratia, sine naufragio TE & ancipiti  
fluctua-

427 1500

X 3439683  
VD 18

fluctuatione tandem optato littori asseruit. Quamvis enim de incundo matrimonio curis distrabere ambiguis: fufis tamen ad supremum commoditatis omnis Autorem precibus, junctis & suspiriis ardentibus pro suppeditando in re tam ardua consilio, postremo, dirigente indulgentissimo Numine, eo res devenit, ut tota mens TUA in SCHACHERIA sola subsisteret: solum amares SCHACHERIAM, solum TUO lateri associari & ad dies vitæ compluamari velles SCHACHERIAM. Quis non nutum supremi Gubernatoris in hoc negotio animadverteret? Petisti more debito sponsam, suavissimam impofterum tori sociam; petitam ex voto TUO adeptus es. Cumque nuper admodum in disputatione publica Jurisconsultorum fatalia proposuisses: pariter & fata conjugii TUI, sed candida, & mollia cudiisti: cumque satis Jurisperitorum TUIS eadem opera simul interfuisti. Quæ igitur sententia nunc mihi surgat de TUA sorte tam beata? Certe ego TE fortunatiorem fero, quam eum, qui pretiosissimarum rerum pretiosissimam ex olla aliqua fortuna sibi forte oblata extraxit. Neque dubito, quin nundinarum Lipsiensium, in quibus nuptias nunc celebras, omnes merces, opes, divitias, elegantiasque & varietates pro sponsa tam auspicate impetrata nolles accipere. O si & mihi sacro vestro interesse contingeret! Si dexteras jungere, & vota votis cumulare coram, si vel omnem charitatem in sinum effundere liceret! Hoc quidem profecto vel languores omnes expelleret, vel amaritudinem vitæ in dulcedinem mutaret. At quod per locorum intervallum & temporis invidiam à me presenti nequit fieri: eminus fiat in locoremoto. Quemadmodum meas preces pro voluptate animorum vestrorum, pro incolumitate corporum, fortune prosperitate, denique pro vitæ stabili, sereno, sine ulla offensione cursu susceptas TIBI, VIR EXCELLENTISSIME, TU Æ QVE dicatas esse scias. Faxit Deus Clementissimus, qui VOS, par nobile, secundis auspiciis copulavit, uti amoris casti præmiis, largo cum senore, ornemini, fruamini, imo perpetuo gaudeatis. Ita feliciter id eveniet, quod unice exopto, ut Nobilissimi ac laudatissimi Parentes Vestri dulce nomen avorum aviarumque, Vos autem Parentum, leto omine posteritatis vestrae, induatis. Scribebam Cygneæd. 24. Sept. An. 1708.

mc

F. K. 69  
15

Z f  
1500

LÆTITIAM ANIMI

VIRO

NOBILISSIMO, AMPLISSIMO, EXCELLEN-  
TISSIMO, CONSULTISSIMOQVE,  
DOMINO

DN. JOHANNI FRIDERICO  
TROPPANNEGERO,

J. U. D. CELEBERRIMO, LIPSIENSIIUM SE-  
NATORI SPECTATISSIMO &c. &c.

CELEBERRIMI PATRIS GENUINO FILIO,

CUM

SEPTEMBR. AN. MDCCVIII.

CUM

SIMA, LECTISSIMA, VIRTUTUMQVE,  
MINAS CADUNT, DECORE INSIGNI,

A JULIANA,

VIRI

PLISSIMI, EXCELLENTISSIMI, CON-  
LTISSIMI DOMINI,

RINI HARTMANNI

CHACHERI,

ERRIMI, PROCONSULIS ET

SCABINATUS LIPS. ASSESSORIS GRA-  
MI, PRUDENTISSIMIQVE,

FILIA

BIO FAUSTO SE CONJUNGERET,

SOLENNIBUS NUPTIIS,

LITERIS PRESENTIBUS,

ATULABUNDUS TESTABATUR

NEGERORUM FAMILIÆ

PERPETUO DEVINCTUS

GEORG ANDREAS Binsheld/ R.

-----

CTIGNEÆ,

LITERIS FRIDERICIANIS.

